

# ПОСЛЕДОВАНИЕ СВЯТЫХ И СПАСИТЕЛЬНЫХ СТРАСТЕЙ ГОСПОДА НАШЕГО ИИСУСА ХРИСТА.

## Во святыи и Великий Четверток вечера,

во 2-й час ночи знаменует. И собравшимся нам во храм, благословившу священнику поем начало по обычаю, якоже в четверток 5-й седмицы.

Таже шестопсалмие. Посем ектения великая, и по возгласе поем, Аллилуиа, на глас 8. И тропарь: Егда славнии ученицы: трижды, косо и со сладкопением. Писан в Великий Четверток на утрени.

Таже ектения малая. И даются свечи братии от епископа.

И глаголет священник: И о сподобимся нам: И чет первое Евангелие от Иоанна, завета Святых Страстей, зачало 46: Рече Господь Своим учеником: ныне прославися Сын Человеческий: Конец: И ученицы Его. И скончавшуся Евангелию, поем: Слава долготерпению Твоему, Господи.

И абие поем антифоны, повторяюще вся тропари.

### Антифон 1. Глас 8:

Князи людстии/ собращася на Господа// и на Христа Его.

Слово законопреступное/ возложиша на Мя: Господи,// Господи, не остави Мене.

Чувствия наша чиста Христови представим,/ и яко друзи Его/ души наша пожрем Его ради,/ и не попеченьми житейскими/ соугнетаемса, яко Иуда,/ но в клетех наших возопиим:/ Отче наш, Иже на небесех,// от лукаваго избави нас.

### Слава, Богородичен:

Дева родила еси Неискусобрачная,/ и Дева пребыла еси Мати Безневестная,/ Богородице Марие:// Христа Бога нашего моли спастися нам.

И ныне, тойже.

### Антифон 2. Глас 6:

Тече глаголя Иуда беззаконным книжником:/ что мне хотите дати,/ и аз вам предам Его?/ Среди же совещающих Сам стоял еси/ невидимо Совещаемый:// Сердцеведче, пощади души наша.

Милостию Богови послужим,/ якоже Марии на вечерах,/ и не стяжим сребролюбия, яко Иуда:// да всегда со Христом Богом будем.

**Слава, Богородичен:**

Егоже родила еси, Дѣво, неизречѣнно,/ выну яко Человеколюбца не престай молящи, // да от бед спасет вся к Тебѣ прибегающія. **И ныне, тойже.**

**Антифон 3. Глас 2:**

Лазарева ради востания, Гóсподи,/ осанна Тебе зваху дети еврейския, Человеколюбче. // Беззаконный же Иуда не восхоте разумѣти.

На вечери Твоей, Христе Бóже,/ учеником Твоим предлагóлал еси:/ едѣн от вас предаст Мя. // Беззаконный же Иуда не восхоте разумѣти.

Иоанну вопросѣвшу:/ Господи, предай Тя кто́ есть?/ Того́ хлебом показáл еси. // Беззаконный же Иуда не восхоте разумѣти.

На тридесятих сребреницех, Гóсподи,/ и на лобзании льстѣвном,/ иска́ху иудее убѣити Тя. // Беззаконный же Иуда не восхоте разумѣти.

На умовении Твоем, Христе Бóже,/ учеником Твоим повелѣл еси:/ сице творите, якоже видите. // Беззаконный же Иуда не восхоте разумѣти.

Бдите и молѣтесе,/ да не внѣдете в напáсть,/ учеником Твоим, Христе Бóже наш, глаголáл еси. // Беззаконный же Иуда не восхоте разумѣти.

**Слава, Богородичен:**

Спаси от бед рабы Твоя, Богорóдице,/ яко все по Бозе к Тебе прибегаем, // яко нерушимой стене и предстáтельству. **И ныне, тойже.**

**Седален**

**(Не седим же на сицевых седальнах, за еже священнику кадити святы́й олтарь, но, стояще, поем я.)**

**Глас 7:**

На вечери ученики питая,/ и притворение предания ведый,/ на ней Иуду обличил сей,/ неисправленна убо сего ведый:/ познати же всем хотя,/ яко волею предался еси,/ да мир исхитиши от чуждаго:// Долготерпеливе, слава Тебе.

**Слава, конец. И ныне, весь.**

**Таже И о сподобитися нам: И чет священник второе Евангелие, от Иоанна, зачало 58: Во время оно, изыде Иисус со ученики: Конец: Но да ядят фаску.**

**По Евангелии же поем**

### Антифон 4. Глас 5:

Днесь Иуда оставляет Учителя/ и приемлет диавола,/ ослепляется страстию сребролюбия,/ отпадает Света омраченный:/ како бо можаше зрети,/ Светило продавый на тридесятих сребреницех?/ Но нам возсия Страдавый за мир./ К Немуже возопиим:/ пострадавый и сострадавый человеком,// Господи, слава Тебе.

Днесь Иуда притворяет благочестие/ и отчуждается дарования,/ сый ученик бывает предатель:/ во обычном лобзании лесь покрывает,/ и предпочитает Владычния любве,/ несмысленно работати сребролюбью,/ наставник быв соборища беззаконнаго:/ мы же имуще спасение Христа,// Того прославим.

### Глас 1:

Братолюбие стяжим яко во Христе братья,/ а не немилостивное еже к ближним нашим:/ да не яко раб осудимся немилостивый,/ пенязей ради,/ и яко Иуда раскаявшеся,// ничтоже пользуемся.

### Слава, Богородичен:

Преславная о Тебе глаголашася вездé,/ яко родила еси плотию всех Творца,/ Богородице Марие,// Воспетая и Неискусобрачная.

### И ныне, тойже.

### Антифон 5. Глас 6:

Ученик Учителя соглашаше цену/ и на тридесятих сребреницех продаде Господа,/ лобзанием льстивным предай Его// беззаконником на смерть.

Днесь глаголаше Зиждитель небесе и земли Своим учеником:/ приближися час, и приспе Иуда предай Мене,/ да никтоже отвержется Мене,/ видя Мя на Кресте посреде двою разбойнику:/ стражду бо яко человек,// и спасу яко Человеколюбец в Мя верующия.

### Слава, Богородичен:

Неизреченно в последняя заченшая/ и рождающая Создателя Твоего,// Того моли спастися душам нашим.

### И ныне, тойже.

### Антифон 6. Глас 7:

Днесь бдит Иуда предати Господа,/ Превечнаго Спаса мира,/ Иже от пяти хлеб насытившаго множества./ Днесь беззаконный отмечается Учителя, ученик быв./ Владыку предаде: сребром продаде,// манною насытившаго человека.

Днёсь Кресту пригвоздиша иудее Гóспода,/ пресéкшаго море жезлом и  
 проведшаго их в пустыню./ Днёсь копием ребра Его прободоша,/ язвами  
 ранившаго их ради Егíпта:/ и жёлчию напоиша,// манну пи́щу им  
 одождившаго.

Гóсподи, на страсть вóльную пришéд,/ вопия́л еси ученико́м Твои́м:/ áще и  
 единаго часа не возмогосте бдети со Мнóю,/ ка́ко обеща́стеся умрети Мене  
 ра́ди?/ Понé Иуду зрите, ка́ко не спíт,/ но тщи́тся предати Мя беззакóнным./  
 Воста́ните, молитесь, да не кто Мене отвéржется,/ зря́ Менé на Крестé.//  
 Долготерпеливе, слава Тебе.

**Слава, Богородичен:**

Ра́дуйся, Богорóдице,/ Невместíмага в небесех вместившая во утрóбе  
 Твоéй:/ ра́дуйся, Дево, пророков проповéдание,/ Еюже нам возсия  
 Емману́ил:// радуйся, Ма́ти Христа Бóга.

**И ныне, тойже.**

**Седален, глас 7:**

Кий ты образ, Иúде,/ преда́теля Спасу соде́ла?/ Еда́ от лика ты апо́стольска  
 разлучи́?/ Еда́ дарования исцелений лиши? Еда со оными вечеряв, тебе от  
 трапезы отрину? Еда иных ноги умыв, твой же презре? О коликих благ  
 непамятлив был еси! И твой убо неблагодарный обличается нрав. Того же  
 безмерное проповедуется долготерпение и велия милость.

**Слава, и ныне, тойже.**

**Евангелие 3-е от Матфея, зачало 109:** Во время оно воины емше Иисуса:  
**Конец:** Плакася горько.

**Антифон 7. Глас 8:**

Емшим Тя беззаконным, претерпева́я,/ сице вопия́л еси, Гóсподи:/ аще и  
 порази́сте Па́стыря/ и расточисте дванадесять овец,/ ученики Моя, можа́х  
 вья́ще,/ нежели дванадесять легионов представить Ангелов./ Но  
 долготерплю, да исполнятся,/ яже явих вам пророки Моими,/ безвестная и  
 тайная:// Господи, слава Тебе.

Трици отвéргся Пётр,/ абие реченное ему́ разумé,/ но принесе к Тебе слéзы  
 покая́ния:// Боже, очисти мя и спаси́ мя.

**Слава, Богородичен:**

Яко врата спасительная и рай кра́сный,/ и света присносущнаго о́блак,/  
 сущую Святу́ю Дéву воспóйм вси,// глаго́люще Ей, еже ра́дуйся. **И ныне,  
 тойже.**

**Антифон 8. Глас 2:**

Рцыте, беззаконнии,/ что слышасте от Спаса нашего?/ Не закон ли положи и пророческая учения?/ Како убо помыслисте Пилату предати,/ Иже от Бога, // Бога Слова и Избавителя душ наших?

Да распнется, вопиэху/ Твоих дарований присно наслаждающимся,/ и злодея вместо Благодетеля прошаху прияти,/ праведников убийцы:/ молчал же еси, Христэ,/ терпя их суровство,/ пострадати хотя и спасти нас, // яко Человеколюбец.

**Слава, Богородичен:**

Яко не имамы дерзновения/ за премногия грехи наша,/ Ты, Иже от Тебе Родшагося,/ моли, Богородице Деве:/ много бо может моление Матернее ко благосердию Владыки./ Не презри грешных мольбы, Всечистая,/ яко Милостив есть и спасти могый, // Иже и страдати о нас изволивый.

**И ныне, тойже.**

**Антифон 9. Глас 3:**

Поставиша тридесять сребреников цену цененаго,/ Егже оцениша от сынов Израилевых./ Бдите и молитесь,/ да не внидете во искушение,/ дух убо бодр, плоть же немощна:// сего ради бдите.

Даша в снедь Мою желчь,/ и в жажду Мою напоиша Мя отца:/ Ты же, Господи, // возстави мя, и воздам им.

**Слава, Богородичен:**

Иже от язык поем Тя,/ Богородице Чистая,/ яко Христа Бога нашего родила еси, // от клятвы человеки Тобою свободшаго.

**И ныне, тойже.**

**Седален, глас 8:**

О како Иуда иногда Твой ученик,/ предательству поучашеся на Тя,/ свечера льстивно, наветник и неправедник,/ шед, рече священником:/ что ми подаете и предам вам Онаго,/ закон разорившаго и осквернившего субботу?// Долготерпеливе Господи, слава Тебе.

**Слава, и ныне, тойже.**

**Евангелие 4-е, от Иоанна, зачало 59.** Во время оно, ведоша Иисуса от Канафы в претор. Конец: Предаде Его им, да распнется.

**Антифон 10. Глас 6:**

Одейся светом, яко ризою,/ наг на суде стояще,/ и в ланиту ударение прият от рук, ихже созда:/ беззаконнии же людие/ на Кресте пригвоздиша Господа

Сла́вы:/ тогда завеса церковная раздра́ся,/ солнце померче, не терпя зрети  
Бо́га досажда́ема,/ Егоже трепещут вся́ческая.// Тому́ поклонимся.

Ученик отвержеса,/ разбойник возопи:/ помяни мя, Го́споди,// во Ца́рствии  
Твоём.

### Слава, Богородичен:

Умири мир, от Девы изволивый, Го́споди,/ плоть носіти за рабы́,/ да  
согласно Тебе славосло́вим,// Человеколюбче.

### И ныне, тойже.

### Антифон 11. Глас 6:

За благая, яже сотворил еси́, Христэ́,/ роду еврейскому́,/ распяти Тя  
осуди́ша,/ оцта и желчи напои́вше Тя./ Но даждь им, Господи, по делом их,//  
яко не разумеша Твоего́ снизхожде́ния.

О предательстве не довольни бы́ша, Христэ́,/ роди еврейсти́и,/ но покиваху  
главами свої́ми,/ хулу и ругание принося́ще./ Но даждь им, Господи, по  
делом их,// яко не разумеша Твоего́ смотре́ния.

Ниже земля яко потрясе́ся,/ ниже камень яко рассе́деса,/ евреев увеща́ша,  
ниже церковная завеса́,/ ниже мертвых воскресе́ние./ Но даждь им, Господи,  
по делом их,// яко тщетным на Тя́ поучи́шася.

### Слава, Богородичен:

Бога от Тебе воплощенного позна́хом,/ Богородице Де́во,/ Едина Чистая,  
Едина Благословенная:// тем непрестанно Тя, воспева́юще, велича́ем.

### И ныне, тойже.

### Антифон 12. Глас 8:

Сия глаголет Господь иудеем:/ лю́дие Мои, что сотвори́х вам?/ Или чим вам  
стужи́х?/ Слепцы́ ва́ши просвети́х,/ прокаженные очи́стих,/ мужа, су́ща на  
одре́, возста́вих./ Лю́дие Мои, что сотвори́х вам?/ И что́ Ми возда́сте?/ За  
манну желчь: за во́ду о́цет:/ за е́же лю́бити Мя́,/ ко Кресту́ Мя  
пригвозиди́сте./ Ктому не терплю́ проче́е,/ призову́ Моя язы́ки,/ и ти́и Мя  
прославят со Отцем и Ду́хом,// и Аз им дарую живо́т ве́чный.

Дне́сь церковная завеса́/ на обличение беззаконных раздира́ется,/ и солнце  
лучи сво́я скрыва́ет,// Влады́ку зря распина́ема.

Законополо́жницы Изра́илевы,/ иудее и фарисе́е,/ лик апо́стольский вопи́ет к  
вам:/ се Хра́м, Егоже вы разори́сте,/ се Агне́ц, Егоже вы распя́сте/ и грóбу  
преда́сте:/ но вла́стию Своею́ воскресе́./ Не льститесь, иудее:/ Той бо есть,  
Иже в мори спасый и в пусты́ни пита́вый:// Той есть Живо́т, и Свет, и Мир  
ми́рови.

**Слава, Богородичен:**

Ра́дуйся, врата Царя Сла́вы,/ яже Вышний Един про́йде/ и паки запечатле́нна оста́ви, // во спасе́ние душ на́ших.

**И ныне, тойже.**

**Седален, глас 8:**

Егда́ предстал еси Каиафе, Бо́же,/ и преда́лся еси Пила́ту,/ Судие, небесныя силы от стра́ха поколебáшася./ Егда́ же вознеслся еси на дре́во,/ посреде двою разбо́йнику,/ вменился еси́ с беззако́нными, Безгрéшне,/ за е́же спасти челове́ка:// Незлобиве Го́споди, сла́ва Тебе́. **Слава, и ныне, тойже.**

**Евангелие 5-е, от Матфея, зачало 111:** Во время оно, видев Иуда, предавший Иисуса: **Конец:** Понести крест Его.

**Антифон 13. Глас 6:**

Собрание иуде́йское/ у Пилата испросиша распяти Тя, Го́споди:/ вины бо в Тебе не обрётше,/ повиннаго Варавву свободи́ша,/ и Тебе, Праведнаго, осуди́ша,/ сквернаго убийства грех насле́довавше./ Но даждь им, Господи, возда́ние их, // яко тщетным на Тя́ поучи́шася.

Егоже вся ужа́саются и трепещут,/ и всяк язык поёт, Христа́,/ Божию Силу и Божию Прему́дрость,/ священницы за ланиту уда́риша/ и даша Ему́ же́лчь:/ и вся пострада́ти изволи, спасти́ ны хотя́/ от беззако́ний на́ших Своею Кро́вию, // я́ко Человеколю́бец.

**Слава, Богородичен:**

Богородице, рожда́ющая словом паче сло́ва,/ Созда́теля Своего́:// Того моли спасти́ души на́ша. **И ныне, тойже.**

**Антифон 14. Глас 8:**

Го́споди, Иже разбойника спутника прие́мый,/ в крови руце оскверни́вшаго,/ и нас с ним причти́, // яко Бла́г и Человеколю́бец.

Ма́л глас испусти разбо́йник на кресте́,/ велию веру обре́те во едином мгнове́нии/ спасе́ся и пе́рвый,/ райская врата отверз, вни́де:/ Иже того покая́ние восприе́мый, // Го́споди, сла́ва Тебе́.

**Слава, Богородичен:**

Ра́дуйся, Ангелом радость мира прие́мшая./ Ра́дуйся, рожда́ющая Творца Твоего и Го́спода. // Ра́дуйся, сподо́бльшаяся быти Мати Бо́жия. **И ныне, тойже.**

**Антифон 15. Глас 6:**

Днесъ висит на дрѣве,/ Иже на водах землю повѣсивый:/ венцем от терния облага́ется,/ Иже Ангелов Царь:/ в ложную багряницу облача́ется,/ одевая́ небо о́блаки:/ заушение прият, Иже во Иордане свободивый Ада́ма:/ гвоздьми пригвоздися Жених Церко́вный:/ копием прободеса Сын Дѣвы./ Покланяемъ Страстѣм Твоим, Христѣ./ Покланяемъ Страстѣм Твоим, Христѣ./ Покланяемъ Страстем Твоим, Христѣ.// Покажи нам и сла́вное Твое Воскресе́ние.

Не яко иудеемъ пра́зднуем:/ ибо Пасха наша за ны пожрѣся Христос:/ но очистим сами себе от всякия скверны/ и чисто помóлимся Емú:/ воскресни, Го́споди,// спаси нас, яко Человеколю́бец.

Крест Твой, Го́споди,/ жизнь и заступление людем Твоимъ е́сть,/ и нань надѣющеса,/ Тебе распятаго Бога на́шего поём,// помилуй нас.

### Слава, Богородичен:

Видящи Тя вѣсима, Христѣ,/ Тебе Рождшая вопи́яше:/ что странное еже вижду таинство, Сы́не Мо́й?/ Како на древе умираеши плóтию водружѣн,// Жíзни Подáтелю?

И ныне, тойже.

Седален, глас 4:

Искупил ны еси от клятвы законныя/ честною Твоею Кровию,/ на Кресте пригвоздився и копием пробóдся,/ безсмертие источил еси челове́ком,// Спасе наш, слава Тебе.

Слава, и ныне, тойже.

Евангелие 6-е, от Марка, зачало 67: Во время оно воины ведоша Иисуса: **Конец:** Да видим и веру имем Ему.